

## দৈনিক বাংলা

## বই পড়া ও

## পাঠক সৃষ্টি

গত ৮ই ফেব্রুয়ারী দৈনিক বাংলার 'সাহিত্য পাতায়' প্রকাশিত মাহবুব উরফাওয়ার 'বই পড়া' প্রবন্ধটি যুগো-পযোগী সন্দেহ নেই। লেখক ভাল বই সম্পর্কেও আলোকপাত করেছেন। দুঃখ প্রকাশ করেছেন 'বই'র পাঠকের অভাবের জন্য।

আমি কোন লেখক নই। সাধারণ পাঠক মাত্র। বই পড়ার খুব বেশী অভ্যাস আমার নেই। তবে গ্রন্থাগার ও ভাষা বিজ্ঞানের ছাত্র হিসেবে ভাল বই'র বৈশিষ্ট্য ও গুণাগুণ সম্পর্কে জানবার সুযোগ হয়েছে পৃথকভাবে, এখনও অগ্রহ হারাইনি।

দেশে লেখক আছেন প্রচুর। ভাল বইও লেখা হচ্ছে। কিন্তু পাঠক তৈরির প্রচেষ্টা খুব কম দেখায়ই মূর্ত হয়েছি বলে আমার মনে হয়। এ সময় বাজার তেকে নতুন বই কিনে পড়ার অগ্রহ, সঙ্গতি উভয়ই ছিল প্রবল। নতুন বিষয়ের বই পেলে এখনও তেমন অগ্রহ জাগে বইকি। কিন্তু আমি যা বলতে চাচ্ছি, আজকাল পাঠক বোধ করি বই পড়ে তেমন আনন্দ পায় না। এর মূল কারণ বিষয়ের জটিল উপস্থাপনা। রবীন্দ্রনাথের কথায় সহজ কথা সহজ করে বলা না কি জটিল। সে কারণেই কিনা জানি না—আজকাল বেশীরভাগ লেখার উপস্থাপনা সহজ করে বোঝার অনুকূলে নয় বলে মনে হয়।

অন্যদিকে, লেখক-সাহিত্যিকগণ তাঁদের চর্চাক্ষেত্র নিজেদের মধ্যেই সীমিত রেখেছেন। তাদের আসরে পাঠকদের স্থান নেই বললেই চলে।

রবীন্দ্র-নজরুল যুগে লেখকের সংখ্যা ছিল কম। লেখক প্রচার পেতেন লেখার মাধ্যমে। লেখায় লেখকের সন্ধান হতো। এখন লেখকের দ্বারা লেখার সন্ধান করা হয়। বর্তমানে প্রচারভিত্তিক সাহিত্য রচনার কারণে তা শূন্যমাত্র লেখকদের পারস্পরিক সম্পর্ক ও সমন্বয়ের মধ্যেই সীমাবদ্ধ থাকে। ফলে ভাল লেখার মান নির্ধারণে বৃহত্ত পাঠক সমাজ নয়, বৃহত্ত লেখক সমাজেই মুখ্য হয়ে উঠেছে—অভিমানী পাঠক/পড়ুয়ারা পাঠে অগ্রহ হারিয়েছে, ফলে নতুন পাঠকের সংখ্যা অন্যদিকে প্রবাহিত হয়েছে ডিসিআর, টেলি-

ভিশনের বদৌলতেও।

সামগ্রিকভাবে পাঠকের মর্যাদা বিবেচনার মাধ্যমে সুপাঠ্য, সহজ ও প্রাজ্ঞল ভাষার জটিলতা বিখতিঃ লেখার সৃষ্টি হলে 'বই'র পাঠক বৃদ্ধি পাবে। একই সাথে পুস্তকের মূল্য ক্রমবর্ধমানতার মধ্যে রেখে রচিত সাহিত্যকে লেখকদের গতি থেকে বের হবার সুযোগ দিতে হবে, লেখক, রচনা ও পাঠকদের মধ্যে থাকতে হবে উত্তম সমন্বয়—তবেই উদ্দেশ্য সফল হবে বলে পাঠক হিসাবে আমার বিশ্বাস।

—জটিন পাঠক

ঢাকা বিশ্ববিদ্যালয়  
ঢাকা।

2